

李氏蒙求下



李氏蒙求補注卷五

後學仁和金

二樓李獻

相如題柱終軍棄繻

華陽國志蜀大城北十里有昇仙橋魚鳧王張伯子俱乘虎而仙去橋因以名司馬相如初遊長安經此橋題其柱曰不乘駟馬高蓋車不過汝下也漢書

終軍傳軍濟南人少好學年十八選為博士弟子至長安上書言事拜為謁者給事中初軍從濟南當詣博士步入關關吏子軍繻軍問以此何為吏曰為復傳還當以合符軍曰大丈夫西遊終不復傳還棄繻而去軍為謁者使行郡國建節東出關關吏識之曰此使者乃前棄繻生也

李氏蒙求補注卷五

孫晨藁席原憲桑樞

三輔決錄孫晨家貧不仕居杜城中織箕為業明詩書為郡功曹冬月無被有藁一束暮卧其中旦收之家語原憲字子思宋人居魯環堵之宮茨以生草蓬戶不完桑樞而囊屨上漏下濕坐而弦歌子貢軒車不容巷往見之日先生何病也憲曰憲聞無財謂之貧學而不能行謂之病今憲貧也非病也夫希世而行比周而友學以為人教以為己仁義之懸車馬之飾憲不忍為也

端木辭金鍾離委珠

家語魯國之法有贖臣妾於諸侯者皆取金於府于
貢贖人而還其金子聞之曰賜失之矣夫聖人之舉
事也可以移風易俗非獨適身之行也今魯國富者
少而貧者衆贖人受金爲不廉則何以相贖乎自今
魯不復贖人於諸侯矣後漢書鍾離意傳意山陰
人舉孝廉遷堂邑令徵爲尙書交趾太守張恢坐臧
伏法資物簿入大農詔班賜羣臣意得珠璣悉以委
地而不拜賜帝怪問其故對曰臣聞孔子忍渴於盜
泉之水曾參回車於勝母之間惡其名也此臧穢之
寶誠不敢拜帝嗟歎曰清乎尙書之言乃更以庫錢
三十萬賜意

李氏蒙菴補注卷五

二

季札挂劍徐穉致芻

史記吳世家季札之初使北過徐徐君好季札劍口
弗敢言季札心知之爲使上國未獻還至徐徐君已
死乃解其劍繫之冢樹而去從者曰徐君已死尙誰
子乎季子曰不然始吾心已許之豈以死倍吾心哉
後漢書徐穉傳穉字孺子南昌人郭林宗有母憂
穉往弔之置生芻一束於廬前而去衆怪不知其故
林宗曰此必南州高士徐孺子詩不云乎生芻一束
其人如玉吾無德以堪之

朱雲折檻申屠斷鞅

漢書朱雲傳雲魯人舉方正爲槐里令成帝時丞相

張禹以帝師位特進甚尊重雲上書求見公卿在前
雲曰今朝廷大臣上不能匡主下亡以益民孔子所
謂鄙夫患失者也臣願賜尙方斬馬劍斷佞臣一人
以厲其餘上問誰也對曰安昌侯張禹上大怒曰小
臣廷辱師傅死不赦御史將雲下雲攀殿檻檻折左
將軍辛慶忌叩頭殿下以死爭上意解然後得已及
後當治檻上曰勿易因而輯之以旌直臣後漢書
申屠剛傳剛茂陵人七世祖嘉文帝時爲丞相剛質
性方直常慕史鮪汲黯之爲人平帝時舉賢良方正
對策罷歸田里建武七年詔書徵剛拜侍御史遷尙
書令光武嘗欲出遊剛以隴蜀未平不宜晏安逸豫
諫不聽遂以頭軻乘輿輪帝爲止按傳稱軻輪無斷
軻字然左傳齊太子才斷軻止公與剛軻輪止帝事
正相類此蓋借用非別有所出也

衛玠羊車王恭鶴氅

見卷四叔寶玉潤注 晉書王恭傳恭美姿儀人多
愛悅或目之云濯濯如春月柳嘗被鶴氅裘涉雪而
行孟昶窺見之歎曰此真神仙中人也

管仲隨馬倉舒稱象

韓非子管仲從桓公伐孤竹春往冬反迷惑失道管
仲曰老馬之智可用也乃放老馬而隨之遂得道
魏志武諸子傳鄧哀王冲字倉舒生五六歲智意所

及有若成人時孫權致巨象太祖欲知其斤重訪之羣下咸莫能出其理冲曰置象大船之上而刻其水痕稱物以載之則校可知矣太祖大悅卽施行焉

丁蘭刻木伯俞泣杖

太平御覽四百十四引孫盛逸人傳丁蘭河內人少喪考妣不及供養乃刻木爲人髣髴親形事之若生朝夕定省其後鄰人張叔妻從蘭妻有所借蘭妻跪拜木人木人不悅不以借之叔醉疾來諍罵木人以杖擊其頭蘭還見木人色不悅乃問其妻妻具以告卽奮劍殺叔吏捕蘭蘭辭木人去木人垂淚郡縣嘉其孝通神明圖其形像於雲臺說苑韓伯俞事親至孝嘗有過其母笞之泣母曰他日笞汝未嘗泣今泣何也對曰往日俞得罪笞之痛知母力健今笞子不痛知母力衰是以泣也

陳遼豪爽田方簡傲

世說豪爽篇陳林道在西岸

注遼領淮南太守成惠賜

都下諸人

共要至牛渚會陳理既佳入欲共言折陳以如意拄

頰望雞籠山歎曰孫伯符志業不遂於是竟坐不得

談史記魏世家文侯子擊逢文侯之師用子方於

朝歌引車避下謁子方不爲禮子擊問曰富貴者驕

人乎且貧賤者驕人乎子方曰亦貧賤者驕人耳夫

諸侯而驕人則失其國大夫而驕人則失其家貧賤

李氏蒙求補注

四

者行不合言不用則去。若脫蹶然，奈何其同之哉。
黃向訪主陳寔遺盜

太平御覽四百二十五引謝承後漢書黃向字文德
秉性廉潔嘗步行於路中得金玳一囊可直二百餘
萬募求得其主還之。後漢書陳寔傳寔潁川人少
爲吏辟遷太邱長以清相賦歛違法解綬去在鄉間
平心率物其有爭訟輒求判正曉諭曲直退無怨者
時歲荒民儉有盜夜入其室止於梁上寔陰見乃起
自整拂呼子孫正色訓之曰人不可不自勉不善之
人未必本惡習以性成遂至於此梁上君子者是矣
盜大驚自投於地稽顙歸罪寔徐譬之曰視君狀貌
不似惡人宜深尅己反善然此當由貧困令遺絹二
匹自是一縣無復盜竊

李氏蒙求補注卷五

五

龐儉鑿井陰方祀竈

風俗通龐儉之父經亂逃散儉隨母流蕩後還鄉里
鑿井得銅遂致富嘗買一蒼頭見儉母曰堂上我婦
也怪問之曰我婦足下有黑子腋下有痣母泣曰我
翁也遂爲夫婦時人語曰鑿井得銅買奴得翁。後
漢書陰識傳初宣帝時陰子方者臘日晨炊而竈神
形見子方再拜受慶家有黃羊因以祀之自是暴至
巨富子方嘗言我子孫必將彊大至識三世而遂繁
昌故後常以臘日祀竈而薦黃羊焉。

韓壽竊香王濛市帽

晉書賈充傳充薨無嗣以外孫韓謚奉充後謚母賈
午充少女也父壽美貌善容止充辟爲掾充每讌
賓儻其女輒於青瑣中窺之見壽悅焉問左右讌壽
姓字女大感想發於寤寐呼壽夕入家中莫知惟充
覺女悅暢異於常日時西域貢奇香著人則經月不
歇帝甚貴之惟以賜充及陳寔其女密盜以遺壽充
寮屬與壽處聞其芬馥稱之於充自是充意知女與
壽通考問女之左右具以狀對充秘之遂以女妻壽
又外戚傳王濛哀靖皇后父也美姿容嘗覽鏡自
照稱其父字曰王文開生如此見耶居貧帽敗日入
市買之姬悅其貌遺以新帽時人以爲達

李氏蒙求補注卷五

六

句踐投醪陸抗嘗藥

呂氏春秋順民篇越王苦會稽之恥欲深得民心以
致必死於吳有甘脆不足分弗敢食有酒流之江與
民同之高誘注曰投醪均味晉書羊祜傳祜出鎮
襄陽與陸抗相對使命交通抗嘗病祜饋之藥抗服
之無疑心人多諫抗抗曰羊祜豈醜人者時以爲華
元子反復見於今日

孔愉放龜張顛墮鵲

晉書孔愉傳愉山陰人年十三而孤養祖母以孝聞
建興初召爲丞相掾參軍事以討華軼功封餘不亭

侯倫嘗行經餘不亭見籠龜於路者買而放之溪中
龜中流左顧者數四及是鑄侯印而印龜左顧之鑄
如初印工以告倫乃悟遂佩焉搜神記常山張顛
爲梁州牧天新雨後有鳥如山鵲飛翔入市忽然墜
地人爭取之化爲圓石顛椎破之得一金印文曰忠
孝侯印顛以上聞藏之秘府顛後官至太尉

田豫儉素李恂清約

魏志田豫傳豫漁陽人公孫瓚使守東州合瓚賊太
祖召爲丞相掾歷遷使持節領并州刺史徵爲衛尉
豫清約儉素賞賜皆散之將士家常貧賈嘉平六年
下詔褒揚賜其家錢穀後漢書李恂傳恂安定人

李氏蒙戎補注卷五

七

少習韋詩教授諸生常數百人辟司徒府拜兗州刺
史以情約率下常席羊皮服布被遷武威太守後坐
事免步歸鄉里潛居山澤結草爲廬與諸生織席自
給

義縱攻剽周陽暴虐

史記酷吏傳義縱河東人少攻剽爲羣盜有姊姁以
醫幸王太后太后告上拜縱爲中郎遷長安令直法
行治不避貴戚遷河內都尉徙定襄太守以鷹擊毛
擊爲治後爲右內史所誅殺甚多楊可方受告縱縱
以爲此亂民捕爲可使者天子以爲廢格沮事棄縱
而 又周陽由者其父趙兼以淮南王舅父侯周陽

因姓周陽氏景帝時爲郡守武帝卽位吏治尙循謹甚然由居二千石中最爲酷暴驕恣後爲河東都尉與守勝屠公爭權相告言罪勝屠公當抵罪義不受刑自殺而由棄市

孟陽擲瓦賈氏如臯

晉書潘岳傳岳美姿儀少時常挾彈出洛陽道婦人遇之者皆連手榮繞投之以果遂滿車而歸時張載字孟陽甚醜每行小兒以瓦石擲之委頓而反左傳賈大夫惡娶妻而美三年不言不笑御以如臯射雉獲之始笑而言文選潘岳射雉賦昔賈氏之如臯始解頰於一箭

李氏蒙求補注卷五

八

顏回簞瓢仲蔚蓬蒿

見論語三輔決錄注張仲蔚扶風平陵人少與同郡魏景卿閉門養性隱身不仕博學明天官好爲詩賦所居蓬蒿沒人時人莫識

糜竺收資桓景登高

蜀志糜竺傳注竺嘗從洛歸未達家數十里路傍見一婦人從竺求寄載行數里婦謝去謂竺曰我天使也當往燒東海糜竺家感君見載故以相讒竺因私請之婦曰不可得不燒如此君可馳去我當緩行日中火當發竺乃還家遽出財物日中而火大發續齊諧記汝南桓景隨費長房遊學長房謂日九月九

日汝南嘗有大災厄急令家人經囊盛菜萸繫臂上
登高飲菊花酒此禍可消景如言舉家登山夕還見
雞犬牛羊一時暴死長房聞之日此可代也今人九
日登高飲酒婦人帶茱萸囊蓋始於此

雷煥送劔呂虔佩刀

晉書張華傳初吳之未滅也牛斗之間常有紫氣吳
平之後紫氣愈明華聞豫章人雷煥妙達緯象乃要
煥宿問日是何祥也煥曰寶劔之精上徹於天耳問
在何郡日在豫章豐城華即補煥爲豐城令煥到縣
掘地四丈餘得一石函中有雙劔並刻題一日龍泉
一日太阿煥以南昌西山土拭劔光芒豔發遣使送
一劔并土與華留一自佩 又王祥傳初呂虔有佩
刀工相之以爲必登三公可服此刀虔謂祥曰苟非
其人刀或爲害卿有公輔之量故以相與祥固辭強
之乃受

老萊斑衣黃香扇枕

太平御覽四百十三引師覺授孝子傳曰老萊子者
楚人行年七十父母俱存至孝蒸蒸常著斑蘭之衣
爲親取飲上堂踈跌恐傷父母之心僵仆爲嬰兒啼
孔子曰父母老常言不稱老爲傷其老也若老萊子
可謂不失孺子之心矣 東觀漢記黃香至孝暑月
則扇枕寒則身溫枕席

王祥守柩蔡順分棹

晉書王祥傳祥臨沂人漢諫議大夫吉之後性至孝
繼母朱氏不慈數譖之由是失愛於父有丹柩結實
母命守之每風雨祥輒抱樹而泣 東觀漢記蔡君
仲汝南人事母至孝王莽末歲荒亂人相食君仲拾
取桑椹赤黑異器赤眉賊見而問之對曰黑者味甘
供母赤者味酸自食賊義其孝遺之米肉按蔡順字
君仲見後漢周磐傳末所載孝行有啣指心痛逢雷
徯冢二事而不及此曾子心痛見搜神記聞雷徯墓
王哀本傳亦載均不為無據

淮南食時左思十稔

李氏家補注卷五

十

漢書淮南王傳子安為人好書時武帝方好菽文以
安辯博善為文辭甚尊重之使為離騷傳且受詔日
食時上 晉書文苑傳左思字太冲臨淄人貌寢口
訥而辭藻壯麗造齊都賦一年乃成復欲賦三都會
妹芬入宮移家京師乃詣著作郎張載訪岷邛之事
遂構思十年門庭藩溷皆著紙筆遇得一句即使疏
之

劉惔傾釀孝伯痛飲

世說劉尹

釋名劉惔亦稱劉尹

云見何次道飲酒使人欲傾家

釀注充飲酒能溫克按傾家釀謂傾其家以釀酒此
作傾酒解誤也 又王孝伯 釋名王恭言名士不必

須奇才但使常得無事痛飲酒熟讀離騷便可稱名
士

女媧補天長房縮地

史記三皇紀女媧氏風姓蓋宓犧之後共工氏與祝融戰不勝而怒頭觸不用山崩天柱折地維缺女媧
鎔鍊五色石以補天斷鼉足以立極於是地平天成
神仙傳汝南費長房受壺公封符有術能縮地
脈千里存在目前宛然放之復舒如舊

季珪士首長孺國器

魏志崔琰傳琰字季珪清河人注明帝時崔林嘗與
司空陳羣共論冀州人士稱琰爲首漢書韓安國

李氏家求補注卷一

十一

傳安國字長孺梁成安人也後徙睢陽事梁孝王爲
中大夫武帝召爲北地都尉遷御史大夫所推舉皆
賢於已者士以此稱慕之唯天子以爲國器

陸玩無人賈詡非次

晉書陸玩傳玩器量淹雅元帝引爲丞相參軍累授
開府儀同三司尋下導郗鑒庾亮相繼薨朝野咸以
玩有德望乃遷侍中司空玩既拜歎息謂贊客曰以
我爲三公是天下爲無人魏志賈詡傳文帝卽位
以詡爲太尉注荀彧別傳晉司徒闕武帝潤其人於
最答曰三公具瞻所歸不可用非其人昔魏文帝用
賈詡爲三公孫權笑之

何晏神伏郭爽心醉

世說何平叔

謂法

老子始成詣王輔嗣見王注精晉

道神伏曰若斯人可與論天人之際矣因以所著爲

道德二論晉書阮咸傳咸任達不拘當世禮法者

譏其所爲太原郭爽高爽有識量少所推先見咸心

醉不覺歎焉

常林帶經高鳳漂麥

魏志常林傳注林少單貧自非手力不取於人性好

學漢末爲諸生帶經耕鋤其妻常自餽餉之雖在田

野相敬如賓後漢書逸民傳高鳳南陽人少爲書

生家以農畝爲業而專精誦讀晝夜不息妻嘗之田

李氏蒙業補注卷五

十一

曝麥於庭令鳳護雞時天暴雨而鳳持竿誦經不覺

潦水流麥妻還怪問鳳方悟之其後遂爲名儒

孟嘉落帽庾敳墮屣

晉書孟嘉傳嘉江夏人吳司空宗曾孫少知名庾亮

領江州辟從事後爲桓溫參軍溫甚重之九日溫燕

龍山寮佐畢集時並著戎服有風至吹嘉帽墮落嘉

不之覺溫使左右勿言欲觀其舉止嘉良久如廁溫

令取還之命孫盛作文嘲嘉著坐處嘉還見卽答之

其文甚美四坐嗟歎又庾峻傳子敳參東海王越

太傅軍事轉軍諮祭酒敳有重名爲搢紳所推而聚

斂積實談者譏之時劉輿見任於越人十多爲所購

惟敬縱心事外無迹可問後以其性儉家富說越令就換錢千萬冀其有吝因此可乘越於衆坐中間敬數頽然已醉噴墮机土以頭就穿取答云不官家有二十萬隨公所取矣與乃服

龍逢版出張華台坂

任昉勸進賤金版出地告龍逢之怨注論語陰禧讖

日庚子之旦金版尅書出地庭中日臣族虜王禽宋

均日謂殺關龍

疑脫逢字

之後庚子旦庭中有此版異也

龍同姓稱族王虜殺我必見禽也晉書張華傳論

前後忠勲進封壯武郡公數年代王晃爲司空所封

郡有柔化爲相識者以爲不祥又華舍及監省數有

李氏蒙求補注卷五

十三

妖怪少子躡以中台星坂勸華遜位華不從曰天道

元遠惟修德以應之耳不如靜以待之以俟天命

董奉活變扁鵲起號

吳志士變傳注變嘗病死已三日仙人董奉以一丸

藥與服以水舍之捧其顛搖捐之食頃卽開目動手

顏色漸復半日能起坐四日復能語遂復常庚信謝

齊屏帶啟士變行理值仙人而更活史記扁鵲傳

扁鵲勃海鄭人姓秦氏名越人過虢虢太子死扁鵲

至虢宮門下謂中庶子曰聞太子不幸而死臣能生

之虢君聞之大驚出見扁鵲於中闕扁鵲乃厲鍼砥

石以取外三陽五會有問太子蘇乃爲五分之製以

八滅之齊和煮之以更裂兩脇下太子起坐但服湯
二旬而復故天下盡以扁鵲爲生死人扁鵲曰越人
非能生死人也此自當生者越人能使之起耳

寇恂借一何武去思

後漢書寇恂傳恂昌平人初爲郡功曹太守耿況甚
重之王郎起遣將徇上谷恂襲擊殺使者奪其軍與
況等俱南及光武於廣阿拜恂偏將軍光武定河內
難其守拜恂河內太守建武二年復拜潁川太守七
年代朱浮爲執金吾明年從擊颯豎而潁川盜賊起
帝引軍還謂恂曰潁川迫近京師當以時定念獨卿
能平之耳恂從至潁川盜賊悉降而竟不拜郡百姓

李氏蒙求補注卷五

一四

遮道日願從陛下復借寇君一年乃留恂長社鎮撫
吏人受納餘降漢書何武傳武郟縣人以射策甲
科爲郎遷鄆令免歸太僕王音舉武賢良方正徵拜
諫大夫遷揚州刺史入爲丞相司直出爲清河太守
免曲陽侯王根薦徵爲諫大夫遷兗州刺史入爲司
隸校尉徙京兆尹左遷楚內史遷沛郡太守復入爲
廷尉御史大夫改大司空其所居無赫赫名去後常
見思沈約安陸昭王碑去思借一之情愈久彌結

韓子孤憤梁鴻五噫

史記韓非傳韓非韓之諸公子也口吃不能道說而
善著書非見韓之削弱數以書諫韓王不能用悲廉

直不容於邪枉之臣。故作孤憤五蠹內外儲說林說
難十餘萬言。後漢書逸民傳梁鴻平陵人。父讓王
莽時封修遠伯。使奉少昊。後寓於北地。而卒。鴻時尚
幼。以遭亂世。因卷席而葬。後受業太學。家貧而尚節
介。博覽無不通。而不爲章句。乃入霸陵山中。以耕織
爲業。詠詩書彈琴。以自娛。仰慕前世高士。而爲四皓
以來二十四人作頌。因東出關。過京師。作五噫之歌。
蔡琰辨琴。王粲覆棊。

後漢書列女傳陳留董祀妻者。同郡蔡邕之女也。名
琰。字文姬。博學有才辯。又妙於音律。注邕夜鼓琴。絃
絕。琰曰。第二絃。邕曰。偶得之耳。故斷一絃。問之。琰曰。

李氏蒙求補注卷五

五

第四絃。並不差謬。又世說文姬六歲時。父中郎於夜
中鼓琴。絃絕。文姬曰。第二絃中。郎復故斷一絃。問之。
文姬言是第四絃。並不差謬。中郎云。偶得之耳。文姬
曰。季札觀樂。知興亡之國。師曠吹律。識南風之不競。
由此觀之。何足不知。魏志王粲傳。初粲觀人圍棊。
局壞。粲爲覆之。棊者不信。以枹蓋局。使更以他局爲
之用。相比校。不誤一道。其彊記默識如此。

西門投巫。何謙焚祠。

史記滑稽傳。西門豹爲鄴令。問民所疾苦。曰。苦爲河
伯娶婦。豹曰。娶婦時。願三老巫祝。父老送女河上。幸
來告語。吾亦往送。至時。豹之河上。三老官屬豪長者。

生父老皆會觀者三二十人其巫老女子也從弟子
女十人所豹呼河伯婦來視之願三老巫祝父老曰
是女子不好煩大巫報河伯更求好女後日送之即
使吏卒共抱巫嫗投之河有頃曰何久也弟子趨之
復以弟子一人投河中凡投三弟子豹曰巫嫗弟子
女子也不能自事煩三老入白之復投三老河中豹
簪筆磬折嚮河立良久願曰巫嫗三老不來還奈何
欲復使廷掾與豪長者一人入趣之皆叩頭破額血
流地色如死友豹曰諾且留待之須臾曰廷掾起家
狀河伯留客之久若皆罷去歸矣鄰吏民大驚恐從
是以後不敢復言爲河伯娶婦 晉書謝元傳載何

李氏棠求補注卷五

七

謙字恭子東海人從元征伐屢著戰功焚祠事未詳
孟嘗還珠劉昆反火

後漢書循吏傳孟嘗上虞人少修操行仕郡爲戶曹
史後舉茂才拜徐合州郡表其能遷合浦太守郡不
產穀實而海出珠寶與交阯比境常通商販買糶糧
食先時宰守並多貪穢詭人探求不知紀極珠遂漸
徙於交阯郡界於是行旅不至人物無資貧者死餓
於道嘗到官革易前蔽求民病利未踰歲去珠復還
百姓皆反其業商貨流通稱爲神明 又劉昆傳昆
東昏人建武五年舉孝廉除江陵令時縣連年火災
昆輒向火叩頭多能降雨止風遷宏農太守先是黔

龍驛道多虎災行旅不通昆爲政三年仁風大行虎皆負子渡河帝聞而異之徵爲光祿勳詔問曰前在江陵反風滅火後守宏農虎北渡河何德政而致是對曰偶然耳左右皆笑其質訥帝歎曰此長者之言也命書諸策

伯淮共被文舉讓果

後漢書姜肱傳肱字伯淮彭城人家世名族肱與二弟仲海季江俱以孝行著聞其友愛天至常共卧起及各娶妻兄弟相戀不能別寢以係嗣當立乃遞往就寢又孔融傳注融兄弟七人融第六幼有自然之性四歲時每與諸兄共食梨輒引小者大人問其

李氏蒙求補注卷五

七

故答曰我小兒法當取小者由是宗族奇之文舉融字也

端康相代亮陟隔座

魏志楊阜傳阜天水人以州從事爲牧韋端使詣許拜安定長史還長史非其好遂去官而端徵爲太僕其子康代爲刺史辟阜爲別駕參軍事吳志孫皓傳注紀陟丹陽人初爲中書郎孫休時父亮爲尙書令而陟爲中書令每朝會詔以屏風隔其座

趙倫鵠怪梁孝牛甌

晉書趙王倫傳倫於殿上得異鳥問皆不知名累日向夕宮西有素衣小兒言是服劉鳥倫使錄小兒并鳥閉置牢室明旦開視尸如故並失人鳥所在倫目

上有癩時以爲妖 史記梁孝王世家梁王武文帝子也景帝三十五年北獵狼山有獻牛足出背上孝王惡之六月中病熱六日卒又漢書五行志景帝中六年梁孝王田北山有獻牛足出背上先是孝王驕奢起苑方三百里納邪臣羊勝訖欲爲漢嗣刺殺議臣爰盎事發歸國猶有恨心故牛旣作足而出於背下好上之象也猶不能自解發疾暴死又凶短之極也

桓典避馬王尊叱馭

後漢書桓榮傳元孫典以尙書教授潁川辟司徒袁隗府舉高第拜侍御史時宦官秉權典執正無所回

李氏蒙求補注卷五

大

避常乘驄馬京師畏憚爲之語日行行且止避驄馬御史漢書王尊傳尊涿郡人爲郡令遷益州刺史先是王陽行部至邛邛郫九折阪歎日奉先人遺體奈何數乘此險以病去及尊爲刺史至其阪問吏日此非王陽所畏道耶對日是尊叱其馭日驅之王陽爲孝子王尊爲忠臣

鼂錯隋直趙禹廉倨

史記鼂錯傳錯潁川人學申商刑名於張恢錯爲人附直刻深文帝時爲太子家令以辨得幸太子太子家號日智囊景帝卽位言事輒聽遷爲御史大夫請諸侯之罪過削其地吳楚七國反以誅錯爲名錯朝

衣軻東市。又臨吏傳趙禹。繇人以佐史補中郎官。用廉爲令史。稍遷至太中大夫。與張湯論定諸律令。禹爲人廉倨。公卿相造請禹。禹終不報謝。務在絕知友賓客之請。孤立行一意而已。始條侯以禹誠深明。任及禹爲少府。比九卿。酷急。至晚節。吏務爲嚴峻。而禹治加緩。名爲平。以老徙爲燕相。免歸。以壽卒。

亮遺巾幘備失七著

晉書宣帝紀。魏青龍二年。諸葛亮率衆出斜谷。壘於渭水南。時朝廷以亮僑軍遠寇。利在急戰。每命帝持重。以俟其變。亮數挑戰。帝不出。因遺帝巾幘。婦人之飾。帝怒。表請決戰。天子不許。蜀志先主傳。袁術欲

李氏蒙求補注卷五

九

經徐州。北就袁紹。曹公遣先主督朱靈路招要擊術。未發。曹公從容謂先主曰。今天下英雄。惟使君與操耳。本初之徒。不足數也。先主方食。失匕箸。注。于時適當雷震。因謂操曰。聖人迅雷風烈必變。良有以也。一震之威。乃至於此。

張翰適意陶潛歸去

世說。張季鷹辟齊王東曹掾。在洛見秋風起。思吳中菰菜羹鱸魚膾。曰。人生貴得適意耳。何能羈宦數千里。以要名爵。遂命駕便歸。時人皆謂爲見機。又隱逸傳。陶潛字元亮。大司馬侃曾孫。少懷高尚。以親老家貧。起爲州祭酒。少日解歸。復爲鎮軍建威參軍。謂

親朋曰聊欲竝歌以爲三徑之資可乎執事者以爲彭澤令素簡貴不私事上官郡遣督郵至縣吏白應束帶見之潛歎曰吾不能爲五斗米折腰拳拳事鄉里小人解印去縣乃賦歸去來辭

魏儲南館漢相東閣

全唐詩作閣

魏太子丕與吳質書不存念昔日南皮之遊既妙思六經逍遙百氏彈碁間設終以六博高談娛心哀箏順耳馳騁北場旅食南館浮甘瓜於清泉沉朱李於寒水白日既匿繼以朗月同乘並載以遊後園輿輪徐動參從無聲清風夜起悲笳微吟余顧而言斯樂難常足下之徒咸以爲然漢書公孫宏傳宏菑川

李氏家乘補注卷五

二十

人學春秋雜說元光五年徵賢良文學菑川國人推宏宏至太常對策天子擢爲第一拜博士待詔金馬門一歲中至左內史數年遷御史大夫元朔中代薛澤爲丞相封平津侯時上方興功業屢舉賢良宏自見爲舉首起徒步數年至宰相封侯於是起客館開東閣以延賢人與參謀議

楚元置醴陳蕃下榻

漢書楚元王傳楚王交高祖少弟也好書少時與魯穆生白生申公俱受詩於浮邱伯漢六年立爲楚王既至楚以穆生白生申公爲中大夫元王敬禮申公致過生不耆酒每置酒常爲穆生設醴後漢書徐

稱仙。穉豫章南昌人家貧常自耕稼非其力不食恭儉義讓所居服其德屢辟公府不起時陳蕃爲太守以禮請署功曹穉不免之既謁而退蕃在郡不接賓客惟穉來特設一榻去則懸之又陳蕃傳再遷樂安太守郡人周繆高潔之士前後郡守招命莫肯至唯蕃能致焉特爲置一榻去則縣之

廣利泉湧王霸冰合

見卷六耿恭拜井注

後漢書王霸傳霸潁陽人少

爲獄吏常慷慨不樂吏職光武過潁陽霸上謁遂從擊王尋王邑於昆陽爲大司馬功曹史王郎起光武馳至下曲陽聞郎兵在後從者皆恐及至滹沱河候

李氏蒙求補注卷五

三

吏還白河水流漸無船不可渡官屬大懼光武令霸往視之霸恐驚衆卽諱曰冰堅可度官屬皆喜比至河河水亦合度未畢而冰解光武謂曰安吾衆得濟免者卿之力也以爲軍正奮關內侯

孔融坐滿鄭崇門雜

後漢書孔融傳融魯國人也孔子二十世孫性好學博

涉多聞辟舉待御史遷太中大夫性好士喜誘益後進及退閑職賓客日盈其門常歎曰坐上客常滿尊中酒不空吾無憂矣漢書鄭崇傳崇本高密大族

徙平陵少爲郡文學史弟立與高武侯傳喜同學相善喜薦崇擢爲尙書左僕射數求見諫爭上初納用

久每見曳革履上笑曰我識鄭尙書履聲久之上欲
封傅太后從弟商崇諫又以董賢貴寵過度諫由是
重得罪尙書令趙昌佞譎素害崇知其見疏因奏與
宗族通疑有姦請治上責崇曰君門如市何以禁切
主上對曰臣門如市臣心如水願得考覆上怒下獄
死

李氏蒙求補注卷六

後學仁和金三俊元李樹

張堪折轅周鎮漏船

後漢書張堪傳堪南陽宛人早孤讓父餘財數百萬
與兄子世祖微時見堪志操常嘉焉及卽位召拜郎
中遷蜀郡太守大司馬吳漢伐公孫述述戰死成都
旣拔堪入城檢閱庫藏收其珍寶悉條列上言秋臺
無私帝嘗召見諸郡計吏問及前後守令能否蜀郡
掾樊顯進曰太守張堪昔在蜀漢仁以惠下威能討
姦前公孫述破時珍寶山積捲握之物足富十世而
堪去職之日乘折轅車布被囊而已帝聞良久歎息
世說周鎮罷臨川郡還都泊青溪渚王丞相見往
看之時夏月暴雨卒至舫至狹小而又大漏殆無復
坐處王曰胡威之清何以過此卽敢用爲吳興郡

李氏蒙求補注卷六

郭伋竹馬劉寬蒲鞭

後漢書郭伋傳伋茂陵人少有志行王莽時爲并州
牧世祖九年徵拜潁川太守調并州牧伋前在并州
素結恩德始至行部到西河美稷有童兒數百各騎
竹馬道次迎拜伋問兒曹何自遠來對曰聞使君到
喜故來奉迎伋辭謝之 又劉寬傳寬華陰人辟遷
司徒長史出爲東海相南陽太守典厯三郡溫仁多
慈常以爲齊之以刑民免而無恥吏人有過但用蒲

鞭罰之示辱而已。

竒史侯盛韋平相延

漢書外戚傳孝宣許皇后元帝母也父廣漢封昌成君後立皇太子乃封太子外祖父爲平恩侯位特進後四年復封廣漢弟舜爲博望侯延壽爲樂成侯許氏侯者凡三人元帝卽位復封延壽子嘉爲平恩侯又衛太子史良娣宣帝祖母也生男號史皇孫皇孫有一男號皇曾孫生數月坐太子繫獄積五歲遭赦治獄使者郅吉以付良娣兄恭恭母哀之自養視焉後登至尊位是爲宣帝恭已死三子皆以舊恩封高樂陵侯曾將陵侯元平臺侯及高子丹以功德封武

李氏蒙求補注卷六

二一

陽侯侯者凡四人又平當傳當少爲大行丞察廉

爲拘邑令以明經爲博士給事中哀帝卽位至丞相

卒子晏以明經歷位大司徒漢興唯韋平父子至宰

相韋相見卷三

雍伯種玉黃尋飛錢

搜神記雍伯廬龍人事親以孝葬父母於無終山山

高無木作義漿於坂頭有一人就飲出石子一升與

之曰種此可生美玉得好婦後求婚徐氏徐氏戲云

以白璧一雙當聽爲婚雍伯至種石處得玉雙以聘

遂娶焉後名其地爲玉田幽明錄海陵黃尋家先

貧困嘗因大風而散飛錢至其家觸籬圍誤落無數

隨處皆拾得後富至數千萬擅名江北

王允千里黃憲萬頃

後漢書王允傳允太原人同郡郭林宗嘗見而奇之曰王生一日千里王佐才也遂與定交年十九爲郡吏三公並辟終司徒世說郭林宗至汝南造袁奉高名車不停軌鸞不輟輒詣黃叔度憲字也乃彌日信宿人問其故林宗曰叔度汪汪如萬頃之陂澄之不濁擾之不濁其器深廣難測量也

虞駿才望戴淵鋒穎

晉書虞潭傳駿字景行潭之兄子也雖機幹不及潭而素行過之歷吳興太守金紫光祿大夫王導常謂

李氏家乘補注卷六

三

駿曰孔倫有公才而無公望丁潭有公望而無公才兼之者在卿乎世說戴淵少遊俠不治行檢嘗在江淮間攻掠商旅陸機還洛輜重甚盛淵使少年掠劫淵在岸上據胡牀指麾左右皆得其宜淵旣神姿鋒穎雖處鄙事神氣猶異機於船屋上遙謂之曰卿才如此亦復作劫耶淵便泣淚投劔歸機辭厲非常機彌重之定交作筆薦焉

史魚黜殯子囊城郭

韓詩外傳史魚病且死謂其子曰我爲人臣生不能進賢而退不肖死不當治喪正堂殯我於室足矣衛君聞之召蘧伯玉而退彌子瑕生以身諫死以尸諫

可謂直矣。按黜殯字本陸士衡連珠然誤以屬柳肆
選注辨之。左傳楚子囊還自伐吳卒將死遺言謂
子庚必城郢君子謂子囊忠君薨不忘增其名將死
不忘衛社稷可不謂忠乎。潘岳楊荊州誄子囊佐楚
遺言城郢史魚諫衛以尸顯政。

戴封積薪耿恭拜井

後漢書獨行傳戴封濟北人詔求賢良方正直言之
士有至行能消災伏異者郡及大司農俱舉封對策
第一擢議郎遷西華令時汝潁有蝗災獨不入西華
界其年大旱封禱請無獲乃積薪坐其上以自焚火
起而大雨暴至於是遠近歎服又耿弇傳恭弇弟

李氏蒙霜法卷六

四

廣之子也少慷慨多大略有將帥才永平十七年始
置西域都護戍已校尉以恭爲戍校尉屯金蒲城明
年北單于擊車師恭遣兵救之匈奴遂攻金蒲恭以
疏勒城傍有澗水可固引兵據之匈奴遂於城下擁
絕澗水城中穿井十五丈不得水吏士渴乏恭仰歎
曰昔武師將軍披佩刀刺山飛泉湧出今漢德神明
豈有窮哉乃整衣向井再拜爲吏士禱有頃水泉奔
出衆皆稱萬歲乃令揚水以示匈奴匈奴以爲神遂
引去

汲黯開倉馮驩折券

非記汲黯傳黯字長孺濮陽人孝景時爲太子洗馬

太子卽位爲謁者河內失火延燒千餘家上使黯往視之還報曰家人失火屋比延燒不足憂也臣邈河南貧人傷水旱萬餘家或父子相食臣謹以便宜持節發河南倉粟以振貧民請歸節伏矯制之罪上賢而釋之又孟嘗君傳馮驩聞孟嘗君好客躡屩而見之孟嘗君封萬戶於薛其食客三千人邑入不足以奉客使人出錢於薛貸錢者多不能與其息客奉將不給孟嘗君憂之問左右何人可使收債於薛者傅舍長曰馮公形容狀貌甚辯宜可令收債孟嘗君乃進馮驩而請之驩曰諾至薛召諸取錢者能與息者與爲期貧不能者取其券燒之孟嘗君聞之怒召驩責之驩曰不足者雖守而責之十年息愈多急卽以逃亡終無以償上則爲君好利不愛士民下則有離上抵負之名非所以厲士民彰君聲也焚無用虛債之矣令薛民親君而彰君之善聲君何疑焉孟嘗君乃拊手而謝之

李氏家求補注卷六

五

折券字本漢書高祖紀坑毀也

齊景駟千何曾食萬

見論語

晉書何曾傳曾陽夏人父夔魏太僕陽武

亭侯曾少襲爵好學博聞武帝踐祚進爵爲公歷太宰性奢豪務在華侈帷帳車服窮極綺麗厨膳滋味過於王者每燕見不食太官所設帝輒命取其食蒸餅上不坼作十字不食食日萬錢猶日無下箸處

顧榮錫炙田文比飯

晉書顧榮傳趙王倫篡位倫子虔為大將軍以榮為長史初榮與同寮宴飲見執炙者貌狀不凡有欲炙之色榮割炙啗之坐者問故榮曰豈有終日執之而不知其味及倫敗榮被執將誅而執炙者為督率遂救之得免錫炙字求知所本史記孟嘗君傳孟嘗君名文姓田父嬰齊宣王庶弟也嬰卒文代立是為孟嘗君招致諸侯賓客食客數千人無貴賤一與文等曾待客夜食有一人蔽火光客怒以飯不等輟食辭去孟嘗君起自持其飯比之客慙自剝士以此多歸孟嘗君

李氏蒙莊補注卷六

稚珪蛙鳴彥倫鶴怨

南史孔珪南齊書作稚珪傳珪字德璋山陰人少學涉有美

譽舉秀才歷南郡太守風韻清疎不樂世務門庭之內草萊不翦中有蛙鳴或問曰欲為陳蕃乎珪笑曰

我以此當兩部鼓吹何必效蕃王晏嘗鳴鼓吹候之

聞蛙鳴曰殊聒人耳珪曰我聽鼓吹殆不及此憂甚

慙孔德璋北山移文惠帳空兮夜鶴怨山人去兮

曉猿驚汪鍾山在郡北南齊周顒彥倫嘗隱於此後

應詔出為海鹽令欲卻過此山孔生乃擬山靈之意

移之使不得至

廉頗負荆須賈擢髮

史記廉藺傳趙王與秦會於澠池既罷歸國以相如
功大拜爲上卿位在廉頗之右頗宣言曰我見相如
必辱之相如聞不肯與會每朝時常稱病不欲與頗
爭列已而相如出望見頗引車避匿於是舍人諫請
辭去相如止之曰彊秦之所以不敢加兵於趙者以
吾兩人在也吾所以爲此者以先國家之急而後私
讐也頗聞之肉袒負荆至相如門謝罪卒相與驩爲
刎頸交又范雎傳雎魏人先事魏大夫須賈賈使
於齊雎從齊王賜雎金及牛酒賈以爲雎特國陰事
告齊大怒歸以告相魏齊齊大怒笞擊雎佯死魏人
鄭安平操雎亡入秦秦昭王拜爲相魏使須賈於秦
賈頓首言死罪雎曰汝罪有幾日擢賈之髮以續賈
罪尙未足

李氏蒙求補注卷

七

孔翊絕書申嘉私

俞本
作謝

魯國先賢傳孔翊爲洛陽令置水庭前得囑託書皆
投水中一無所發漢書申屠嘉傳嘉梁人以材官
蹶張從高帝爲都尉孝惠時爲淮陽守孝文十六年
遷御史大夫爲丞相嘉爲人廉直門不受私謁

淵明把菊真長望月

昭明太子陶靖節傳陶潛字淵明尋陽柴桑人嘗九
月九日無酒出宅邊菊叢中坐久之滿手把菊逢太
守王宏送酒至卽便就酌醉而後歸世說荆州

日清風明月。軫思元度。釋名許詢字元度。法許詢能清言。子

時人皆欽仰。

子房取履釋之結韞

史記留侯世家留侯張良者其先韓人也秦滅韓良求客刺秦王為韓報仇亡匿下邳嘗遊下邳圯上有老父至良所直墮其履圯下顧良曰孺子下取履良愕然欲殿之為其老彊忍下取履父曰履我良業為取履因長跪履之父以足受笑而去良大驚隨目之父去里所復還曰孺子可教也又張釋之傳王生者處士也嘗召居廷中三公九卿盡會立王生老人曰吾韞解顧謂張廷尉為我結韞釋之跪而結之人謂王生日奈何廷辱張廷尉使跪結韞王生日吾老且賤自度終無益於張廷尉張廷尉方今天下名臣吾故聊辱廷尉使跪結韞欲以重之諸公聞之賢王生而重張廷尉

李氏蒙求補法卷六

八

郭丹約關祖逖誓江

後漢書郭丹傳丹南陽人七歲而孤後從師長安買笥入函谷關慨然歎曰丹不乘使者車終不出關既至京師常為都講諸儒咸敬重之更始三年三公舉丹賢能徵為諫議大夫持節使歸南陽安集受降丹去家十二年果乘高車出關如其志焉晉書祖逖傳逖范陽人王師敗績於蕩陰大駕西幸長安逖率

親黨避地淮泗居丹徒之京口述以社稷傾覆常懷
振復之志元帝以爲豫州刺史渡江中流擊楫而誓
曰祖述不能清中原而後濟者有如大江辭色壯烈
衆皆慨歎

賈逵問事許慎無雙

後漢書賈逵傳逵平陵人父徽從劉歆受左氏春秋
兼習國語周官又受古文尙書於塗擘學毛詩於謝
曼卿作左氏條例二十一篇逵悉傳父業弱冠能誦
左氏傳及五經本文以大夏侯尙書教授兼通五家
穀梁之說自爲兒童常在太學不通人間事身長八
尺二寸諸儒爲之語曰問事不休賈長頭又儒林

李氏蒙補法卷六

九

傳許慎字叔重召陵人性淳篤少博學經籍馬融常
推敬之時人語曰五經無雙許叔重

晏敬和親白起抗降

史記劉敬傳敬齊人戍隴西過洛陽高帝在焉敬說
士入關而都卽日車駕西都關中上日本言都秦地
者嬰敬畏者乃劉也賜姓劉氏拜爲郿中號爲奉春
君高帝罷平城歸昌頓數苦北邊上患之間敬敬曰
陛下誠能以適長公主妻之厚奉遺之以歲時數問
遺因使辯士風諭以禮範兵可無戢以漸臣也高帝
曰善使敬往結和親約又白起傳秦攻趙趙王使
趙括代廉頗將秦陰使武安君白起爲上將軍秦軍

射殺趙括。括軍四十萬人降。武安君計日。趙卒反覆。非盡殺之。恐爲亂。乃挾詐而盡坑殺之。遺其小者二。百四十人歸趙。趙人大震。

蕭史鳳臺宋宗雜密

列仙傳。蕭史秦穆公時人。善吹簫。作鸞鳳之響。能致孔雀白鶴。穆公女弄玉好之。公妻焉。遂教弄玉吹簫。作鳳鳴久之。鳳凰來集其屋。公爲作鳳臺。夫婦止其上。不飲不食。不下數年。一旦弄玉乘鳳。蕭史乘龍昇天而去。幽明錄。晉兖州刺史宋處宗。置一長鳴雞。窗間。後雞作人語。與處宗談論。極有元致。處宗因此元學大進。

李氏蒙求補注卷六

十

王陽囊衣馬援薏苡

漢書。王吉傳。吉字子陽。琅邪人。子駿。駿子崇。世名清廉。皆好車馬衣服。其自奉養極爲鮮明。而亡金銀錦繡之物。及遷徙去處。所載不過囊衣。不畜餘財。去位家居。亦布衣蔬食。天下服其廉。而怪其奢。故俗傳王陽能作黃金。後漢書。馬援傳。初援在交阯。常飢。薏苡實。用能輕身省欲。以勝瘴氣。南方薏苡實大。援欲以爲種。軍還載之一車。時人以爲南土珍怪。權貴皆望之。及卒後。有上書譖之者。以爲前所載。還皆明珠文犀。帝怒。援妻孥惶懼。不敢以喪還。舊孽。詣闕請罪。上書訟寃。然後得葬。又吳祐傳。昔馬援以薏苡與典。諫。

王陽以衣囊微名

劉整交質五倫十起

任叻彈事謹案新除中軍參軍劉整理絕通問而妄肆醜辭終夕不寐而謬加人杖薛包分財取其老弱高鳳自穢爭訟寡嫂未見孟嘗之深心唯傲文通之僞迹昔人睦親衣無常主整之撫姪食有故人何其不能折契鍾庚而禱帷交質人之無情一何至此按整責嫂米未得輒取車帷以準米故借用交質字其醜辭大杖云云蓋罵嫂打姪也後漢書第五倫傳倫長陵人其先齊諸田諸田徙園陵者多故以次第爲氏倫少有義行舉孝廉爲扶夷長拜會稽太守遷蜀郡七歲代牟融爲司空奉公盡節無所依違諸子或時諫止輒叱遣之吏人奏記及便宜者亦拜封上其無私若此或有問曰公有私乎對曰吾兄子嘗病一夜十往退而安寢吾子有疾雖不省視而竟夕不眠若是者豈可謂無私乎

張敞畫眉謝鯤折齒

漢書張敞傳敞木平陽人徙杜陵補太守卒史察廉爲甘泉倉長遷膠東相守京兆尹其治略循趙廣漢之迹然敞無威儀時罷朝會走馬章臺街使御吏驅目以便面拊馬又爲婦畫眉長安中傳張京兆眉豔有司以奏上問之對曰臣聞閨房之內夫婦之私有

過於畫眉者。上愛其能弗責也。晉書謝鯤傳鯤字幼輿。陽夏人。少知名。通簡有高識。不脩威儀。鄰女有美色。鯤常挑之。女投梭折其兩齒。時人爲之語曰。任達不已。幼輿折齒。鯤聞之。傲然長嘯。口猶不廢。我嘯歌。

盛彥臧糟姜詩躍鯉

晉書孝友傳盛彥。廣陵人。母王氏。因疾失明。彥不應。辟召躬自侍養。母食必自哺之。母既疾久。至於痺使。數見捶撻。婢忿恨。伺彥靈行。取蟻糟炙飴之。母食以爲美。然疑是異物。密藏以示彥。彥見之。抱母慟哭。絕而復蘇。母目豁然。卽開從此遂愈。後漢書列女傳

李氏蒙求補注卷八

十一

廣漢姜詩妻者。同郡龐盛之女也。詩事母至孝。妻奉順尤篤。母好飲江水。水去舍六七里。妻常泝流而汲。後值風不時。還母渴。詩責而遣之。妻乃寄止鄰舍。晝夜紡績。市珍羞。使鄰母以意自遺。其姑久之。姑怪問。鄰母具對。姑感慙。呼還。恩養愈謹。其子後因遠汲溺。死。恐姑哀傷。不敢言。而託以行學不在。姑嗜魚鱸。又不能獨食。夫婦常力供鱸。呼鄰母共之。舍側忽有篇泉。味如江水。每旦輒出雙鯉魚。以供膳。赤眉散賊經詩里。弛兵而過。日驚大孝。必觸鬼神。

宗資主諾成瑨坐嘯

見卷二元禮模措注。

伯成辭耕巖陵去釣

莊子堯治天下伯成子高立爲諸侯堯授舜舜授禹伯成辭諸侯而耕於野禹往見之趨就下風立而問焉伯成曰昔堯治天下不賞而民勸不罰而民畏今子賞罰而民且不仁德自此衰刑自此立後世之亂自此始矣夫子盍行邪無落吾事他徧乎耕而不顧後漢書逸民傳嚴光字子陵餘姚人少有高名與光武同遊學及光武卽位乃變名姓隱身不見帝思其賢乃令以物色訪之後齊國上言有一男子據羊裘釣澤中帝疑其光乃備安車元纁遣使聘之三反而後至除爲諫議大夫不屈乃耕於富春山後人名

李氏棠補注卷六

十三

其釣處爲嚴陵灘

董遇三餘譙周獨笑

魏志王朗傳注董遇宏農人性質訥而好學與手中關中擾亂與兄依將軍段熲採梠負販而常挾持經書投閒習讀其兄笑之而遇不改嘗言讀書百遍而義自見從學者云苦渴無日遇言讀書當以三餘冬者歲之餘夜者日之餘陰雨者時之餘也蜀志譙周傳周巴西人耽古篤學家貧未嘗問產業誦讀典籍欣然獨笑以忘寢食

將聞仰天王凌呼廟

史記秦始皇紀二世用趙高申法令乃與高謀誅大

臣及諸公子。公子將聞。仰天大呼。天者三流涕。拔劍自殺。晉書宣帝紀。魏嘉平二年。太尉王凌貳於帝。謀立楚王彪。三年正月。凌詐言吳人塞涂水。請發兵以討之。帝潛知其計。不聽。四月。帝自帥中軍汎舟沿流。九日而到甘城。凌迎於武邱。面縛水次。曰。凌若有罪。公當折簡召凌。何苦自來邪。帝曰。君非折簡之客故耳。以凌歸京師。道經賈逵廟。凌呼曰。賈梁道王。凌是大魏之忠臣。惟爾有神知之。至項仰鴛而死。收其餘黨。皆夷三族。并殺彪。六月。帝寢疾。夢賈逵王凌爲祟甚惡之。

二 疏散金陸賈分橐

李氏蒙補注卷三

南

漢書疏廣傳。廣東海人。少好學。明春秋。家居教授。徵爲博士。地節三年。立皇太子。選爲少傅。徙太傅。兄子受亦以賢良舉爲太子家令。拜少傅。在位五歲。俱移病乞骸骨。上皆許之。加賜黃金二十斤。皇太子贈五十斤。廣旣歸。日令家共具。請故舊相娛樂。數問金餘有幾。趣賣以共具。廣子孫竊謂其昆弟老人勸說買田宅。廣曰。此金者。聖主所以惠養老臣也。樂與鄉黨宗族共饗。其賜不亦可乎。皆以壽終。史記陸賈傳。賈楚人以客從高祖。定天下。名有口藏。居左右。常使諸侯。高祖使賈賜尉他。卽爲南越王。尉他賜陸生橐中裝直千金。宅送亦千金。歸拜太中大夫。惠帝時。呂

太后用事陸生自度不能爭之迺病免家屬有五男
迺出橐中裝賣于金分其子子二百金令爲生產謂
曰與汝約過汝汝給吾人馬酒食極欲十日高更一
歲中往來過他客率不過再三過數見不饒無久恩
公爲也子史精華按漢書極欲作極飲恐欲爲飲字
之訛非史漢異文也

慈明八龍禰衡一鶚

後漢書荀淑傳淑潁川人子八人儉緄靖壽汪爽肅
專並有名稱時人謂之八龍爽字慈明幼而好學年
十二能通春秋論語太尉杜喬見而稱之曰可爲人
帥爽遂耽思經書慶弔不行徵命不應潁川爲之語

李氏蒙求補注卷六

七

曰荀氏八龍慈明無雙又文苑傳禰衡平原人少
有才辨而氣尚剛傲好矯時慢物建安初遊許下唯
善魯國孔融及宏農楊修常稱曰大兒孔文舉小兒
楊德祖餘子碌碌莫足數也融亦深愛其才衡始弱
冠而融年四十遂與爲交友上疏薦之曰竊見處士
平原禰衡忠果正直志懷霜雪見善若驚疾惡如讐
鷲鳥累伯不如一鶚使衡立朝必有可觀

不占隕車子雲投閣

韓詩外傳齊崔杼弑莊公陳不占驅車而奔之至公
門之外聞鼓戰之聲遂駭而死君子謂不占無勇而
能行義可謂志士矣漢書揚雄傳贊初雄除爲郎

給事黃門與王莽劉歆並及莽篡位用符命稱功德
獲封者甚衆歆甄豐皆爲上公莽旣以符命自立欲
絕其原以神前事而豐子尋歆子棻復獻之莽誅豐
父子投棻囚裔辭所連及便收不請時雒校書天祿
閣上使者來欲收雒雒恐不免迺從閣上自投下幾
死莽問其故迺棻嘗從雒學作奇字詔勿問然京
師爲之語曰惟寂寞自投閣爰清靜作符命

魏舒堂周舍謬誤

晉書魏舒傳舒任城樊人長八尺二寸姿望秀偉那
察孝廉除灑池長累遷相國參軍文帝深器重之每
朝會坐罷日送之日魏舒堂堂人之領袖也 新序

李氏蒙補注卷六

六

周舍立趙簡子門三日三夜簡子使問之曰夫子將
何以教寡人對曰願爲君謬誤之臣墨筆操牘隨君
之後伺君過而書之簡子悅之

無鹽如漆姑射若冰

列女傳鍾離春者齊無鹽邑女宣王之正后也其爲
人極醜無雙目頭深目長指大節凸鼻結喉肥項少
髮折腰出胸皮膚若漆行年四十無所容入衛嫁不
售於是拂拭短褐自謁宣王願備後宮王納爲后
莊子藐姑射之山有神人居焉肌膚若冰雪綽約如
處子其神凝使物不疵癘而年穀熟

邾子投火王思怒蠅

左傳邾子在門臺臨廷闈以餅水沃廷邾子望見之怒闈曰夷射姑旋焉命執之弗得滋怒自投於牀廢於鑪炭爛遂卒莊公卜急而好漈故及是魏志梁習傳注王思性急嘗執筆作書蠅集筆端驅去復來如是再三思恚怒自起逐蠅不能得還取筆擲地踞壞之

苻朗皁白易牙淄澠

晉書載記苻朗字元達堅之從兄子也性宏達神氣爽邁善識味或殺雞以食之朗曰此雞棲恒半露檢之皆險又食鵝肉知黑白之處人不信記而試之無毫釐之差呂氏春秋白公問於孔子曰以石投水奚若孔子曰淄澠之合者易牙嘗而知之

李氏蒙求補注卷六

七

周勃織薄灌嬰販繪

史記絳侯世家周勃沛人以織薄曲爲生注北方謂薄爲曲淮

南子云曲灌薄也沛公起勃以中涓從沛公爲漢王賜爵列

侯食終號絳侯高后崩呂祿呂產欲危劉氏勃與丞

相陳平謀誅諸呂而立文帝以勃爲右丞相卒諡

武侯又灌嬰傳嬰睢陽販繪者也沛公軍於碭嬰

以中涓從漢王立爲帝賜食賴二千五百戶號賴陰

侯高后崩呂祿等爲亂嬰與絳侯等謀誅諸呂共立

代王爲皇帝拜太尉絳侯免嬰爲丞相歲餘卒諡懿

侯

馬良白眉阮籍青眼

蜀志馬良傳良字季常宜城人兄弟五人並有才名鄉里爲之諺曰馬氏五常白眉最良良眉中有白毛故以稱之 晉書阮籍傳籍字嗣宗尉氏人志氣宏放任性不羈本有濟世志屬魏晉之際天下多故名士少有全者由是不與世事酣飲爲常能爲青白眼見禮俗之士以白眼對之母終藉喜來弔籍作白眼喜不釋而退喜弟康聞之乃齋酒挾琴造焉籍大悅乃見青眼

黥布開關張良燒棧

李氏蒙求補注卷六

六

史記黥布傳布六人姓英氏少年有客相之曰當刑而王及壯坐法布欣然笑曰人相我當刑而王幾是乎已輪驪山布與其徒亡之江中爲羣盜聞項梁定江東涉江而西布常冠軍項籍引兵西至關不得入使布等先從間道破關下軍遂得入至咸陽項王立布爲九江王後歸漢爲淮陽王 又留侯世家漢元年沛公爲漢王之國良送至褒中說漢王曰王何不燒絕所過棧道示天下無還心以固項王意乃使良還行燒絕棧道良說項王曰漢王燒絕棧道無還心矣乃以齊王田榮反書告項王項王以此無西憂漢心而發兵北擊齊

陳遺飯感陶侃酒限

世說吳郡陳遺至孝母好食饋底焦飯遺作郡主箴恒裝一囊每煮食輒貯錄焦飯歸遺母後孫恩出吳郡袁府君即日便征遺已聚得數斗焦飯遂勞以從軍戰敗軍人潰逃多飢死遺獨以焦飯得活時以爲純孝之報晉書陶侃傳侃移鎮武昌時武昌號爲多土殷浩庾翼等皆爲佐吏侃每飲酒有定限常歡有餘而限已竭浩等勸更少進侃棲懷良久曰年少曾有酒失亡親見約故不敢臉

楚昭萍實束皙竹簡

家語楚昭王渡江有物大如斗圓而赤直觸工舟舟

李氏蒙求補注卷六

七

人取之王問羣臣莫之能識使聘於魯問於孔子孔子曰此所謂萍實者可剖而食之吉祥也唯霸者爲能獲焉使者返王遂食之大美魯大夫因子游問曰夫子何以知其然曰吾昔過陳之野聞童謠曰楚王渡江得萍實大如斗赤如日剖而食之甜如蜜是以知之晉書束皙傳皙字廣微元城人博學多聞有人於嵩高山下得竹簡一枚上兩行科斗書傳以相示莫有知者司空張華以問皙皙曰此漢明帝顯節陵中策文也檢驗果然時人服其博識

曼倩三冬陳思七步

漢書東方朔傳朔字曼倩平原厭次人武帝卽位徵

天下方正賢良文學材力之士待以不次之位。朔初來上書曰：臣朔年十二，學書三冬，文史足用。凡誦四十四萬言，又常服子路之言，勇若孟賁，捷如慶忌，廉若鮑叔，信若尾生。若此，可以為天子大臣矣。朔文辭不遜，高自稱譽，上偉之，令待詔公車。世說：魏文帝嘗令東阿王，釋名：陳思王，植亦稱東阿。七步中作詩，不成者行大法，應聲便為詩。曰：煮豆持作羹，漉菽以為汁。其在釜下燃，豆在釜中泣。本自同根生，相煎何太急。帝深有慚色。

劉寵一錢廉范五袴

後漢書循吏傳：劉寵，牟平人，以明經舉孝廉，除東平

李氏蒙求補注卷六

子

陵令，以仁惠為吏民所愛。後遷會稽太守，徵為將作大匠。山陰縣有五六老叟，入齋百錢，以送寵。曰：自明府下車以來，狗不夜吠，民不見吏，年老遭值聖明，今聞當見棄去，故自扶奉送。寵曰：吾政何能及公言邪！勤苦父老，為人選一大錢受之。又廉范傳：范字叔度，杜陵人，舉茂才，建初中遷蜀郡太守，成都民物豐盛，邑宇逼側，舊制禁民夜作，以防火災，而更相隱蔽。燒者日屬，范乃毀削先令，但使儲水而已。百姓為便，乃歌之曰：廉叔度，來何暮，不禁火，民安作，平生無繡

今五袴

汜毓字孤，郗鑒吐哺

晉書儒林傳汜毓濟北人奕世儒素敦睦九族時以號其家兒無常父衣無常主任防奏彈劉整文汜毓字孤家無常子又郗鑒傳初鑒值永嘉喪亂在鄉里甚窮餒鄉人以鑒名德傳共飴之時兄子邁外甥周翼並小常攜之就食鄉人曰各自饑困以君賢欲共相濟耳恐不能兼有所存鑒於是獨仕食訖以飯著兩頰邊還吐與兒後並得存

苟弟轉酷嚴母掃墓

晉書苟晞傳領青州刺史以嚴刻立功日加斬戮流血成川號曰屠伯魏植掠兗州晞屯無鹽以弟純領青州刑殺更甚於晞百姓號小苟酷於大苟漢書

李氏蒙求補注卷六

三

酷吏傳嚴延年東海人少學法律爲河南太守冬月傳屬縣囚會論府上流血數里河南號曰屠伯後坐怨望非謗政治弃市初延年母從東海來爲欲從延年出謁母閉閤不見延年免冠頓首良久乃見之延年自爲母御歸府母畢正臘謂延年天道神明人不可獨殺我不意當老見壯子被刑戮去汝東歸掃除墓地耳遂去後歲餘果敗東海莫不賢知其母劉峻廣絕交論嚴母掃墓以望喪

洪喬擲水陳泰挂壁

晉書殷浩傳父羨字洪喬爲豫章太守都下人士因

其致書者百餘函行次石頭皆投之水中曰沈者自沈浮者自浮般洪喬不為致書郵其資性介立如此
魏志陳羣傳子泰為并州刺史懷柔東民甚有威
惠京邑貴人多寄寶貨因泰市奴婢泰皆挂之於壁
不發其封及徵為尚書悉以還之

王述忿狷荀粲惑溺

世說忿狷篇王藍田

釋名王述亦稱藍田

性急嘗食雞子以箸

刺之不從便大怒舉以擲地雞子於地圓轉未止仍

下地以屐齒蹶之又不得頓甚復於地取內口中齧

破即吐之王右軍聞而大笑曰使安期

注述父也釋名王承字安

期有此性猶當無一豪可論況藍田邪又惑溺篇

李氏蒙求補注卷六

三

苟奉倩

梁字也

與婦至篤冬月婦病熱乃出庭中自取

冷還以身熨之婦亡奉倩後少時亦卒以是獲譏於

世

宋女愈謹敬姜猶績

列女傳女宗者宋鮑蘇之妻也養姑甚謹蘇仕衛三

年而娶外妻女宗養姑愈敬因往來者請問其夫賂

遺外妻甚厚其媿謂曰可以去矣女宗曰婦人以專

一為貞以善從為順豈以專夫室之愛為善哉遂不

聽事姑愈謹宋公問之表其間號曰女宗國語公

父文伯

季悼子之孫公父穆伯之子

退朝朝其母

穆伯之妻敬姜也其母

方績文伯日以歌之家而主猶績季孫具以歌為不

